

կոչի Զանկեան, և ունէի գիւղ արտաքոյ քաղաքին և շատ մուլք, նոյնպէս և ի քաղաքն և շինեցի մնիրա մի բարձր յոյժ, և ի վճարման գործոյն արարի կոչումն մեծ ժողովոյ եւ արարի խրախուժիւնս, եւ նախ քան զհացկերոյթն հանին զիս ի մնարայն, տալ զառաջին ժամն մեր, և մինչ զնացի և շրջէի ի մնարայն ի գլուխն, և հայեցայ ի կողմ արեւելից, և տեսի բացեալ զերկինս և իջանէր թագաւոր մի անճառելի կերպիւ և անհուն զաւրաւք հրեշտակաւք, և եկեալ ի զաւրացն հանդէպ իմ կազմեցին օթոռ ի վերայ աւդոյն, եւ եկեալ թագաւորն նստաւ, եւ հնչէին փող յամենայն կողմանց, և սկսան զալ ազգ ամենայն քըրիստոնէից առաջնորդաւն իւրեանց և երկրպագանէին նմա, եւ թագաւորն ընդունէր զամենեսեան գլխովն, և անցեալ նստէին ամենեքեան: Ապա զայր ազգ մի աւտար պայծառ լուսով և փառաւորեալ զարմանալի առաջնորդաւ, և յարեաւ թագաւորն յաթոռոյն և զընաց ընդ առաջ նորա, և զիրկս արկեալ համբուրեաց զնա, և սկսաւ զովել եւ գոհանալ զնմանէ ասելով իմ քաջ նահատակ, իմ զուարթ և քաջ ժիր մշակ, իմ մեծ և յաղթող սպառազէն, և տարաւ նստոյց զնա առ ինքն, և զազգն նորա համբուրեաց և ողջագուրէր, և եկն ոմն առ իս և տեղեակ առնէր զիս, և ես այսպէս սպառեալ և հիացեալ կայի: Իսկ որ ի վայրն կային զարմացեալ, կային ընդ յամելն իմ, և առաքեցին առ իս զաւագ որդիս իմ, և սա եկեալ զնոյն տեսեալ և յիմարեալ եկաց, և նոքա այլ նեղասըրտեալ առաքեցին զկրտսեր որդիս ստիպել զմեզ զնալ առ նոսա, և յորժամ եկն տղայս, նա էանց տեսիլն, սակայն մեք պատմեցաք սմա զտեսիլն, և ասացին ցիս որդիքս իմ. Զի՞նչ կամիս առնել, և ես ասացի. ձայ-